





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1229 4° (LN 1121)




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1229 4° (LN 1121)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1229 4° (LN 1121)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1229 4° (LN 1121)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hjelmst. 1229 4° (LN 1121)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 1229 4° (LN 1121)

12

122

Nº 1229.



*M. Tindler fecit*

2. N. 1121.



M



OIKONOMIA

SIGNORVM REBVS  
CREATIS INDITORVM, QVIBVS  
CORPORA NOSTRA IN NOVISSIMO  
DIE VERE RESVRRECTVRA  
DEMONSTRATVR,

CARMINE REDDITA,  
ET SCRIPTA

AD EXIMIAE PIETATIS ET ERVDITIO-  
NIS VIROS DN: PRAEPOSITVM PROVINCIA-  
LEM, OMNESq; VERBI COELESTIS MINISTROS  
IN PROVINCIA VVINDINGIANA FIONENSI,  
DOMINOS MEOS OMNI ADMINI-  
STRATIONE DEBITA  
COLENDOS

LAVRENTIO MATTHIAE NYBURGENSI.

✠ SVRGITE

AD IVDICIUM.



MORTVI

ET VENITE

HAFNIAE TYPIS ANDREAE  
GVTTERVITZII, 1578.



DOCTRINA, PIETATE, CÆTERISq;  
VIRTUTIBVS VIRIS PRAESTANTIBVS,  
DN. PRAEPOSITO PROVINCIALI, OMNIBVSq;  
VERBI DIVINI MINISTRIS IN PROVINCIA  
VVINDINGIANA FIONENSI, DOMINIS  
SVIS PERPETVA ANIMORVM  
SVBMISSIONE CO.  
LENDIS

S D.

**S**alue Thespiadum prænuncia fama soror  
rum,  
O Honor, ô patriæ gloria magna meæ,  
Doctifonis semper musis vt rite fauetis,  
Sumite sic placidè quæ mea Musa canit.  
Sacra canit quoniam vobis scit sacra placere,  
Qui fertis summi dogmata sacra dei.  
Salsa minus quamuis sunt hæc munuscula, mentis  
Vestræ quam donis æquiparare queant :  
Spero tamen mentem vos omnes cernere nostram,  
Ingenium languet, mens mea prompta manet.  
Osi quos lusi versus nos inter, amici,  
Firmum sint veræ foedus amicitiae.  
Quod super est oro dominum de pectore toto,  
Viuatis faustos, Nestoreosq; dies.

L. M. N.





DE SIGNIS REBUS CREA-  
TIS A DEO INDITIS QVIBVS  
CORPORA NOSTRA IN NOVISSIMO  
DIE VERE RESVRRECVRA  
DEMONSTRATVR.



Errigenum dubios casus, variosq;  
dolores;  
Quis memori quæso voluere men-  
te potest?  
Vt primum æthereas geniti prodi-  
mus in auras,  
Conscia mens mortis, fata nefanda gemit,  
Donec & incertæ solvuntur vincula vitæ,  
Sors mouet aduersas irrequieta vices.  
Vnde hæc? ex vetiti morfu sunt talia pomi,  
Quo genus humanum dicitur esse reum.  
Ilias hoc tetro deuenit fonte malorum,  
Hinc est quòd tristi nemo dolore caret;  
Hinc est quòd frigus mortales vexat iniquum,  
Vrget permultos hinc male suada fames.  
Innumeri morbis hinc & capiuntur acerbis,  
Morbus principium est, sic quoq; finis erit.  
Magna hominum pars clauda sata est, pars nascitur orba  
Auditu, sine quo non viget vllus honor.

A 2

Per



Perpetuisq; manet (mirum) pars caeca tenebris,  
 Quid multis? vivit nullus in orbe liber.  
 Neceſſe eſt igitur vitam reſtare beatam,  
 Qua poſſint iuſtis gaudia firma dari.  
 Hac pius in terris ſpe preſſus mole malorum  
 Se leuat, infirmis hoc medicamen erit.  
 Chriſticolæ hac vita triſti nam ſorte premuntur,  
 Impius aſt fauſto ſydere cuncta tenet.  
 Cur veniet tempus quo corpora noſtra reſurgent,  
 Et capient iuſti, regna coruſca Dei.  
 Altera ſed ſæuis ſedes eſt facta tyrannis,  
 Nam phlegetontiacis hi crucientur aquis.  
 Aſt aliquis dicat, te contra ſæpe fatentur  
 Multi, quod mancant corpora ſemper humo:  
 Dicentes animis ſaltim cœleſtia dona,  
 Tartareoſue lacus pro ratione dari.  
 An non credendi ſtudio magno atq; fideli,  
 Dogmata qui vulgus talia rude docent?  
 Vera quidem dicis, blaterent quod talia ſtulti;  
 Dicta ſed illorum nil rationis habent.  
 Somnia ſunt tantum mendosa, inuentaq; falſa,  
 Quæ vomit infernis ſedibus ipſe Sathan.  
 Surgere nam tumultis viuentia corpora fœdis,  
 Biblia veraci carmine ſacra monent.

Doctor



Doctor & æternus cœli qui sydera torquet,  
 Hæc eadem haud ficta voce futura refert.  
 Hinc etiam certò præludia firma recusant,  
 Perpetuas terris corpora habere domos.  
 Approbat hoc præstans domini surrectio Christi,  
 Omnibus hæc iustis causa salutis adest.  
 Vitam immortalem referunt quoq; fœdera bina,  
 In senam gestant viscera nostra Deum,  
 Quid moror? & rebus sunt signa impôsta creatis,  
 Mortem quæ somnum corporis esse probant.  
 Quàm bonus est Dominus, quam mitis rector olympi,  
 Quàm variis homines diligit ipse modis.  
 Quàm patris firmum summi bonitatis adeptæ  
 Iudicium, de quo talia signa fluunt.  
 Talia signa fluunt, natura cernere rerum,  
 Vnde licet liquidò, non dubitante fide:  
 Corpora quod tandem tumulis post fata resurgent,  
 Et gelida nunq; postea morte premi.  
 Hæc igitur saltim terrenis indita rebus,  
 Omis̃sis reliquis ordine signa canam.

Aspice phœnicis rediniui signa decora;  
 Perpetuam vitam quæ superesse monent.

A 3

Inter



Inter Thurilegos Arabas ubi vixerit annos  
Permultos, Cupiens tristia fata sequi:  
(Annos sexcentos bissemaque vivere lustra  
Phœnicem siquidem pagina docta docet)  
Partitis nidum lingnis hic construit altum,  
Quæ summa rostro sedulitate legit.  
Constructas dinceps moriturus scandit in ædes,  
Extremum vitæ claudit & ille diem.  
Funeribus vermes putridis nascuntur olentes;  
Nunc cunis serpit, qui volitare prius.  
Vermibus ast illis tandem (mirabile dictu)  
Phœnicem dicit fama venire novum,  
Funere de patrio cui corpus nascitur, atque  
Consimilem formam cum genitore gerit.  
Certius hæc certo monstrant consurgere nostra,  
Extremo tumulis membra novata die.

Sic glacialis hyems canos ubi fecerit agros  
Lymphas marmoreo iunxerit atque gelu;  
Pars volucrum ad puteos volitant, cæcisque cavernis  
Pars latet, expertes frigoris esse queant.  
Vpupa, cum sturnis, & nuncia veris hirundo,  
Et plures, scriptis quas memorare licet:

Hæ



*Hæ, cum brumali canescat terra pruina,  
 Merguntur madidis sponte suapte locis.  
 Atq; solum, glacies, grando, vestesq; niuales,  
 Defuncti in morem corpora dura tegunt.  
 Aureus ast tepido phœbus cum vere ministret  
 Flores, & campos fertilis ornet humus;  
 Surgunt quæ tetrīs pariter latitare sepulcris,  
 Ac plumas torrent, quas madefecit hyems.  
 Hinc rapidis liquidum volitant super æthera pennis  
 Cantantes summo iubila grata Deo.  
 Certius hæc certo monstrant consurgere nostra  
 Extremo tumulis membra nouata die.*

*Quisquis es auricomæ gemmas hinc conspice syluæ  
 Et videas oculis plurima grata tuis.  
 Arboreis frondes, & plantis tempore brumæ  
 Marcescunt, harum formaq; pulchra perit.  
 Amissis leuibus foliis quæ spargit in auras  
 Æolus, Exanimis nil nisi truncus adest.  
 Sed ver purpureum rediens, noua temporis ætas,  
 His vitam tribuit qua caruere prius.  
 Sic crescunt syluis gemmæ, sic gramina campis,  
 Sic florent herbæ, ridet & omnis ager.  
 Certius hæc certo monstrant consurgere nostra  
 Extremo tumulis membra nouata die.*

*Quid*



Quid cupio sylvæ fruticantis dicere formas?  
 Ipsi mortales signa probata ferunt.  
 Ungues respiciat proprio de corpore quisquis,  
 Prolixas capitis conspiciatq; comas.  
 Cornua candenti ferro scinduntur acuta,  
 Vulnificus crines corripit atq; chalybs.  
 Non tamen in nihilum pereunt, correptaue durant,  
 Sed celeri tandem surgit uterq; pede.  
 Et simul accipiunt veterem (mirabile) formam,  
 Apparent eadem quæq; fuere prius  
 Certius hæc certo monstrant consurgere nostra  
 Extremo tumulis membra novata die,

Obscuræ cursus noctis, nitidæq; diei,  
Quæ mea musa cupit, ritè futura probat.  
Namq; dies & nox, mundi quæ tempora lustrant  
Alternæ gaudent, ire, redire vice.  
Alma dies, Vitreis ubi sol demersus in undis,  
Aufugit, atq; micant protinus astra polo.  
Mox abant tenebræ, Titan de gurgite vasto  
Exurgens, denuo clara diesq; redit.  
Certius hæc certo monstrant consurgere nostra,  
Extremo tumulis membra novata die.

Som Jægsark Lark for b. v. h. 3. Iam



<sup>non enim. m. l. s. i. n. f. e. s. s. a. n. o. n. v. e. n. i. t.</sup>  
 Iam venit in mentem mihi, somnus noctis amicus,  
 Languida quem vigili membra labore petunt.  
 Omne animal ferme, toto quod vivit in orbe,  
 Seu cui sit ratio, seu ratione carens:  
 Hunc retinet morem, quem (si quid carmina possunt)  
 Imparibus ludet nostra Thalia modis.  
 Corpora cum tandem vario sint fessa labore,  
 Exoptant dulci se requiete frui.  
 Approperantq. locum, plumis & stramine stratum,  
 Ut recreent tali membra tenella modo.  
 Obrepit somnus furisq. cubantibus instar,  
 Truncus ut abscissus membra relictâ iacent.  
 Hinc illis cupidam (somnia siquidem brevis est mors)  
 Cum sensu mentem, cernitur eripere.  
 Corpora sed placida cum sint recreata quiete,  
 Euigilant, oculis tergitur atq. sopor.  
 Exurgunt pariter leta, abiectoque dolore,  
 Qui moesto membris antè labore fuit.  
 Tunc manus ad pugnam, tunc pes est aptus eun-  
 lo,  
 Omnia tunc alacri membra vigore vigent.  
 Certius hæc certo monstrant consurgere nostra  
 Extremo tumulis membra novata die.  
 Postremo aggredior ruralia munera, quæ nunc  
 Disparibus numeris musa canora canet.

B

Ruricolæ




Ruricolæ tempus soliti seruare, quotannis,  
 Attrito findunt vomere sæpe solum.  
 Hinc manibus rapidis, ubi tempus postulat aptum,  
 Frugifero mandant semina pulcra solo.  
 Ut solet exanimis glomerato puluere condi, *candi*  
 Visceribus terræ granaq; tecta iacent. *Condi*  
 Obruta versatis quoniam sata pingua glebis  
 Sunt, auibus ne sint præda futura vagis.  
 Soluitur ocula et cereale putredine semen:  
 Dissolui veluti mortua membra solent.  
 Ast ubi flamiferos radios Latonia proles  
 Sparserit, igniferum rexit atq; caput;  
 Terrenam calido massam splendore reformat,  
 Elicit & sulcis, semina operta canis.  
 Fœcundas rigidis segetes inspicat aristis,  
 Maturat valido tumq; calore sata:  
 Atq; ita telluris gremio quæ clausa iacebat  
 Antè seges, solidum nunc tegit illa solum.  
 Plura quidem fateor rebus sunt indita signa  
 Talia, præterio sed tamen illa sciens.  
 Quæ cecini certò monstrant consurgere nostra  
 Extremo tumulis membra nouata die.  
 Nunc animi compos alta quis mente reponat,  
 Corpora quod tumulis sint peritura suis?

Ergo



Ergo dum fruimur miseri mortalibus horis,  
 Mentibus in nostris cœlica vita siet.  
 Hinc vitam in melius vertamus, iusta colamus,  
 Et vitet quisquis, quæ deus ipse vetat.  
 Syncera regem cæli tum mente precemur.  
 Pectoribus nostris, numina sancta serat.  
 Est simul orandus, nobis quæ sacra parabat,  
 Viuifico semper Pneumate dona regat.  
 Sic superos inter fiet post fata locemur,  
 Triste ubi principium dulce sequetur opus.  
 Tunc hilaris lætum cognoscet amicus amicum:  
 Consocium socius, filius atq. patrem.  
 Et gnatam genetrix, ibi cernet filia fratrem,  
 Nec erit infelix his (mibi crede) dolor.  
 Qui lachrymas etenim mæstas absterget ocellis,  
 Omnibus omnipotens omnia Christus erit.  
 O igitur summi soboles æterna parentis,  
 Pectora saluifico flamine nostra rege.  
 Deniq. sancte parens, fidei fons, effice nostris,  
 Mentibus ut crescant spes, pietasq. fides.  
 Quo nostrum terris dormit dum putre cadauer,  
 Cantet sydereis spiritus ipse choris.  
 Iudicii die læti iungantur in vnum,  
 Semper captantes dulce leuamen. Amen.  
 Soli Deo gloria.





Winnit humon  
i hum. flos for d. f. g.

Gas in Merg

Luc R

